



Islaama Jechuun Maal jechuudhaa?

Description

Tawhiinni hundee amantiiti. Wanta jalqabaa namoota itti waamu qabnuudha. Yoo tawhiida kana fudhatan wanta isa booda jiru kan akka salaata, zakaa fi kan birootti ni waamna. Ergamaan Rabbii (SAW) yommuu Muâ€™aaziin gara Yaman ergan akkana jedhaniin:

â€œGara Rabbiin malee haqaan gabbaramaan akka hin jirree fi ani Ergamaa Rabbii akka taâ€™e ragaa bahuutti isaan waami. Yoo isaan kana tole jedhan, Rabbiin guyyaa fi halkan hunda salaata shan isaan irratti dirqama akka godhe isaan barsiisi. Yoo isaan kana tole jedhan, Rabbiin qabeenya isaanii keessatti zakaa dureeyyi isaan irraa fuudhamee hiyyeeyyi isaaniitiif kennamu isaan irratti dirqama akka godhe isaan barsiisi.â€• [Sahiih Al-Bukhaari 1395](#)

Akkuma hadiisa sahiih taâ€™e kanarraa arginu wanti jalqaba namoota itti waamu qabnu, Laa ilaah illallah dha. Sababni isaas, hojiin namni hojjatu laa ilaah illallah irratti hundaaâ€™a. Namni yoo laa ilaah illallah qabaate hojiin isaa fudhatama argata. Taâ€™uu baannan, salaatee soome, zakaa kenne namoota rakkatoo gargaaree, hojiin isaa Rabbiin biratti fudhatama hin qabu.

Kanaafu, tawhiinni hundee amanti waan taâ€™eef namni waaâ€™e isaa sirritti beeku fi barachuu qaba. Islaamni amanti tokkicha tawhiida (Rabbiin tokkichoomsu) irratti ijaarrameedha. Yeroo darbe waaâ€™e iimaana fi Islaamaa haala wali galaatin jechoota gabaaboon ilaalle turre. Mee harâ€™a itti fufuun hiika Islaamaa caalatti ragaa waliin haa ilaallu. Hiika Islaamaa sirritti yoo hubanne laa ilaah illallah haala salphaan hubanna. Taâ€™uu baannan, hiika laa ilaah illallah hubachuuf karaa dheeraa deemna. Hiika Islaamaa ilaalchise wanti yeroo darbe ilaalle fi kan asi gaditti ilaallu wanta wal jabeessan malee wanta wal faallessu miti.

Hiika Islaamaa

Islaamni amanti Rabbiin ilma namaatiif filateedha, isaan ala amanti biraa nama irraa hin fuudhu. Hundeen jecha **Islaamaa**: jecha â€œaslamaâ€• jedhuudha.

Aslama jechuun harka kennu, masakamuu fi hojii qulqulleessuudha. Ingiliffaan â€œsubmit, surrenderâ€•

Rabbiin subhaanahu wa taâ€™TMaalaa ni jedha:

أَفَغَيْرَ دِينِ اللَّهِ يَبْغُونَ وَلَهُ أَسْلَمَ مَنْ فِي السَّمَوَاتِ
وَالْأَرْضِ طَوْعًا وَكَرْهًا وَإِلَيْهِ يُرْجَعُونَ

â€œSamiiwwanii fi dachii keessa kan jiru hundi fedhiinis taâ€™TMi dirqamaan Isaaf harka kennee osoo jiruu diinii Rabbiitiin ala kan biraa barbaadu? Isaan hundu garuma Isaatti deebifamu.â€• Suuratu Aali-Imraan 3:83

Diinin Rabbii Islaama. Kan samiiwwanii fi dachii keessa jiran hundi fedhiinis taâ€™TMi dirqamaan Rabbiif harka kennanii osoo jiranu sila namoonni amanti barbaadan Islaaman ala amanti biraa ni barbaaduu? Kuni hin bareedu, isaaniif hin malu. Sababni isaas, Islaaman ala amantiin bareedaa fi gaarii taâ€™TMe hin jiru. Samiiwwan fi dachii keessa kan jiran hundi fedhiinis taâ€™TMi dirqamaan Rabbiif harka kennanii, gadii jedhanii fi masakamanii jiru. Warri fedhii ofiitiin Rabbiif harka kennan, gadi jedhanii fi masakaman, muâ€™TMmintoota (warra amananiidha). Warroonni dirqamaan Rabbiif harka kennanii fi gadi jedhan immoo kaafirootaa fi uumamtoota biroota. Kaafironni murtii Rabbii jalaa gonkumaa bahuu hin dandaâ€™TMa. Yeroo rakkoo fi duâ€™TMaa Isaaf harka kennu, gadi jedhu. Yeroo adabbii cimaa argan akkana jedhu: â€˜Rabbitti amanne, waan Isatti qindeessaa turretti kaffarre.â€™TM (Ilaali suuratu Ghaafir 40:84)

Guyyaa Qiyaamaa uumamtoonni hundu garuma Isaatti deebifamuun hojii hojjataniif mindeefamu. â€œIsaan hundu garuma Isaatti deebifamu.â€• Kuni Rabbiin irraa akeekachiisa. Gooftaa murtii Isaa jalaa dheessuun hin jirre, amanti Inni itti ajaje irraa dabuun nama qaruuteef hin malu. Dirqamaan Rabbiif harka kennuun dura filannoon Isaaf harka kennuutu isaaf caala.^[1] Namni filannoo ofiitin Rabbiif harka kennee fi Isaaf ajajame, adabbii jalaa baha. Namni dide immoo yommuu adabbii cimaa argu, dirqamaan waan Isaaf harka kennuuf, adabbii jala bahuu hin dandaâ€™TMu.

Aayah biraa keessatti waaâ€™TMee hundee jecha Islaamaa kan taâ€™TMe **aslama** jedhu ilaalchise akkana jedha:

إِذْ قَالَ لَهُ رَبُّهُ أَسْلِمُ قَالَ أَسْلَمْتُ لِرَبِّ الْعَالَمِينَ

â€œYeroo Gooftaan isaa, â€œHarka kenniâ€• isaan jedhe, innis â€œGooftaa aalamaatiif harka kenneâ€• jedhe [yaadadhu].â€• Suuratu Al-Baqarah 2:131

Rabbiin subhaanahu wa taâ€™TMaalaa Nabii Ibraahimiin, â€œHarka kenniâ€• jedheen. Kana jechuun â€œibaadaa naaf qulqulleessi, ajajamuun Naaf gadi jedhi.â€• Nabii Ibraahimis (aleyh salaam) ni jedhe, â€œGooftaa aalamaatiif harka kenne.â€• Kana jechuun uumamtoota hunda Kan dhuunfate, tooâ€™TMatu fi qindeessuuf ajajamuun gadi jedhe, ibaadaa qulqulleesse.^[2] Ammas aayah biraa keessatti waaâ€™TMee jecha **aslama** ilaalchise ni jedha:

بَلَىٰ مَنْ أَسْلَمَ وَجْهَهُ لِلَّهِ وَهُوَ مُحْسِنٌ فَلَهُ أَجْرُهُ عِنْدَ رَبِّهِ
وَلَا خَوْفٌ عَلَيْهِمْ وَلَا هُمْ يَحْزَنُونَ

â€œEeyyen! Namni toltu kan hojjatu taâ€™ee fuula isaa Rabbiif kenne, mindaan isaa Gooftaa isaa bira isaaf jira. Sodaan isaan irra hin jiru, isaan hin gaddanis.â€• Suuratu Al-Baqarah 2:112

Ibn Jariir Xabarii (rahimahullahu) tafsiiira isaa keessatti akkana jedha: â€œfuula isaa Rabbiif kenneâ€• fuula kennu yommuu jedhu, Isaaf ajajamuuf of gadi qabuu fi ajaja Isaatiif masakamuudha. Hundeen **Islaamaa** harka kennuudha. Sababni isaas, â€œIsaaf harka kenneâ€• kan jedhu irraayyi. Isaaf harka kennuu jechuun ajaja Isaatiif of gadi qabuudha. Musliimni Musliima kan jedhameef qaamoleen isaa Gooftaa isaatiif ajajamuuf waan gadi jedhaniifi.^[3] Hiikni biraa â€œfuula isaa Rabbiif kenneâ€• jedhu, â€œhojjii isaa Rabbiif qulqulleesse.â€• taâ€™ma.^[4]

Kana booda â€œIslaamaâ€• jechuun osoo itti hin qindeessinii fi of hin tuulin Rabbii oltaâ€™maaf harka kennuu qulqulluu [harka kennuu] dha.

Sheykhul Islaam ibn Taymiyaan (rahimahullahu) ni jedha: â€œIslaama jechuun gabrichi wanta biraatiif osoo hin taâ€™in Rabbiif harka kennuudha. Namni Rabbii fi wanta biraatiif harka kenne, mushrika taâ€™ma. Namni Rabbiif harka hin kenniine immoo mustakbir (kan of tuulu) taâ€™ma. lamaan isaanitu faallaa Islaamati.â€• (Majmuu al-fataawaa 10/195)

Amantiin Islaamaa hiika lama of keessaa qaba, lamaan kanaan ala dhaabbachu hin dandaâ€™u:
1-Harka kennuu, masakamuu, ajajamuu, hordofuudha. Faallaan kanaa â€œOf tuuludha.â€•
2-Ikhlaasa (hojjii qulqulleessu). Faallaan kanaa shirkiidha.

Islaamni osoo homaa Rabbiitti hin qindeessinii fi Isaaf masakamuu irraa of hin tuulin Rabbii tokkichaaf harka kennuudha. Of tuuluun ibliisa (sheyxaanaa) Islaama keessaa isa baasee kaafira isa taasise. Rabbiin oltaâ€™maan ni jedha:

وَإِذْ قُلْنَا لِلْمَلَائِكَةِ اسْجُدُوا لِآدَمَ فَسَجَدُوا إِلَّا إِبْلِيسَ أَبَىٰ
وَأَسْتَكْبَرَ وَكَانَ مِنَ الْكَافِرِينَ

â€œYommuu Malaaykotaan â€œAadamiif sujuudaaâ€• jenne [yaadadhu]. Ibliisa malee isaanis ni sujuudan. [Ibliisni] didee fi of tuulee kaafiroota irraa taâ€™me.â€• Suuratu Al-Baqarah 2:34

Rabbiin subhaanahu wa taâ€™maalaa Aadamiin kabajuun Malaaykota akka sujuudaniif ajaje. Ibliisa malee malaaykonni Gooftaa isaaniitif ajajamuun ni sujuudan. Garuu ibliisni of tuuluu fi waanyu (hinaaffi) irraa kan kaâ€™me sujuuda ni dide. Kanaafu, warra Rabbii oltaâ€™maa mormanii fi ajaja Isaa faallessan keessaa

taâ€™TMe. [5] (Waaâ€™TMee Rabbiif ajajamuu irraa of tuulu (istikbaar) fi adabbii namatti fidu ilaalchise ilaali suuratu An-Nisaa 4:173, Suuratu As-Saaffaat 37:35, Suuratu Zumar 39:59, Suuratu Ghaafir 40:60. Aayaat tanniin yoo itti xinxallite Islaamni osoo of hin tuulin Rabbi oltaâ€™TMaaf harka kennuu, gadi jechuu fi masakamu akka taâ€™TMe ni argita.)

Rabbiin waliin wanta biraa gabbaruunis (shirkiin) namoota baayâ€™TMee Islaama irra turan Islaama keessaa baase. Kunis, Rabbiin ala wanta biraatiif harka kennuu fi masakamuun Islaama keessaa bahan. Akka fakkeenyaatti, Ummanni Nuuh yommuu Rabbiin waliin wanta sheyxaanni isaanitti miidhagse gabbaran (waaqefatan) Islaama keessaa bahan. Araboonni yommuu Rabbii gaditti wanta biraa gabbaranii fi namoota isaaniif seera tumu godhachuun hayyama Rabbii malee seera isaanii fudhatan amanti Nabii Ibraahim keessaa bahan. Amantiin nabii Ibraahim, Muusaa, Iisaa fi nabiyyoota biroo hundi Islaama. Nabiyyoonni hundu warra Rabbii tokkichaaf harka kennaniidha. Yahuudotaa fi Kiristaanonnis yommuu hayyoota fi moloksee isaaniitiif ajajaman amanti Muusaa fi Iisaa keessaa bahan. Rabbiin subhaanahu wa taâ€™TMaalaa ni jedha:

﴿اتَّخِذُوا أَحْبَارَهُمْ وَرُهْبَنَهُمْ أَرْبَابًا مِّن دُونِ اللَّهِ وَالْمَسِيحَ ابْنَ مَرْيَمَ وَمَا أُمِرُوا إِلَّا لِيَعْبُدُوا إِلَهًا وَاحِدًا لَا إِلَهَ إِلَّا هُوَ سُبْحَانَهُ عَمَّا يُشْرِكُونَ﴾

â€™Rabbii gaditti hayyootaa fi moloksee isaanii gooftolee godhatan, akkasumas Masihi ilma Mariyamis [gootaa godhatan]. Gabbaramaa Tokkicha gabbaruu malee homattu hin ajajamne. Isa malee gabbaramaan haqaa hin jiru. Wanta isaan itti qindeessan irraa Inni qulqullaaâ€™TMe.â€™
Suuratu At-Tawbaa 9:31

Namoonni kunniin hundi Rabbii oltaâ€™TMaa dhiisanii namoota akka isaaniitiif harka kennanii masakaman. Kanaafu, akkuma Rabbiin mirkaneessu hiikni sirriin Islaamaa: Isa qofa gabbaruu fi Ergamaa Isaatiif ajajamuun Rabbii tokkichaaf harka kennuudha. Ragaan kana jecha Rabbii oltaâ€™TMaati:

ضَرَبَ اللَّهُ مَثَلًا رَّجُلًا فِيهِ شُرَكَاءُ مُتَشَكِّسُونَ وَرَجُلًا سَلَمًا لِّرَجُلٍ هَلْ يَسْتَوِيَانِ مَثَلًا الْحَمْدُ لِلَّهِ بَلْ أَكْثَرُهُمْ لَا يَعْلَمُونَ ﴿٢٩﴾

â€™Rabbiin gabricha shariikonni irratti wal mormanii fi gabricha namticha tokkoof qofa taâ€™TMe fakkeenya dhiyeessa. Isaan lamaan wal-qixaa? Faaruun hundi kan Rabbiiti. Garuu baayâ€™TMeen isaanii hin beekan.â€™ Suuratu Az-Zumar 39:29

(Shariikota jechuun hojii ykn dhaabbata keessatti qooda waliin fudhachuuf namoota ifaajee isaanii ifaajee namoota birootti ykn wanta qaban (qabeenya isaanii) qabeenya nama biraatti dabalaniidha.) Fakkeenyi Rabbiin subhaanahu wa taâ€™TMaalaa asitti dhiyeesse garaagarummaa Muslima Gooftaa Tokkicha qofa

gabbaruu fi mushrika Rabbiin waliin wantoota waaqefataman biroo gabbaru ibsa. Gabrichi bulchaa tokko qofaaf ajajamu akka Musliima Rabbiin malee homaayyu hin gabbareeti. Kana keessa Islaamni Rabbii qofaaf harka kennu akka taâ€™TMee ragaatu jira.

Akkuma beekamu hariiroon gabrichaa fi bulchaa jidduu jiru, gabricha irraa ajajamuu fi buluu, bulchaa irraa immoo ajajuu, dhoowwu fi qajeelchu irratti kan hundaaâ€™TMedha. (Bulchaan ni ajaja, ni dhoowwa, qajeelcha kenna. Gabrichi immoo bulchaaf ni ajajama, ni bula.)

Gabrichi bulcha tokko qofa qabu akka Muslima Gooftaa tokko qofa qabuuti. Isaan ala wanta biraa hin gabbaru.

Gabrichi bulchaa tokkoo ol qabu immoo akka mushrika gabbaramaa tokkoo ol qabuuti. Rabbiin waliin gabbaramtoota kanniin gabbara. Gabrichi bulchitoota baayâ€™TMee qabu, bulchitoonni kunniin isarratti wal dhabu. Hundi isaanitu gabrichi kuni isa akka tajaajilu barbaadu. Kunis koottu hojii kiyya hojjadhu, sunis koottu hojii kiyya hojjadhu, kuunis koottu hojii kiyya hojjadhu jedhaan. Bulchaa tokkoof gadi hin dhaabbatu. Oli gadi isa raasu. Gabrichi bulchaa tokko qofaaf taâ€™TMee immoo kana hundarra nagaha taâ€™TMuun bulcha tokko qofaaf ajajama. Kanaafu, gabrichi bulchaa tokkoof buluu fi gabrichi bulchitoota baayâ€™TMeeef bulu wal qixaa?

Amma mee itti xinxalli, Gooftaa tokkicha qofaaf gabra taâ€™TMuu wayya moo gooftoolee baayâ€™TMeeef gabra taâ€™TMuu wayyaa? Dhugumatti Gooftaa tokko qofaaf gabra taâ€™TMuu wayya. Namni Rabbii tokkichaaf gabra yoo hin taâ€™TMin wantoota biroo baayâ€™TMeeef gabra taâ€™TMa. Kanneen akka sheyxaana, fedhii lubbuu, namoota, sanama, taabotaa fi uumamtoota biroo. Kuni immoo kabajaa fi gammachuu akka dhaban nama taasisa. Mee nama Rabbii tokkichaaf of gadi qabuu fi jaalala Isaa argachuuf hojii gaggaarii hojjatuu fi nama Rabbiin ala wantoota biraatiif of gadi qabuu fi jaalala isaanii argachuuf carraaqu wal bira qabi. Kamtu irra kabajaa fi tasgabbii argataa? Dhugumatti Gooftaa tokkichaaf of gadi qabuu fi Jaalala Isaa qofa barbaadun hojii gaggaarii hojjachuun jeequmsaa fi baâ€™TMaa baayâ€™TMee irraa nama baraara. Kanaafu, Islaamni uumamtootaaf gabra taâ€™TMuu fi jeequmsa irraa nama baraarun gara Gooftaa tokkichaaf of gadi qabuu fi harka kennuutti nama waama. Kuni immoo bilisummaa dhugaati.

Kitaabban wabii

[1] Tafsiiru Saâ€™TMdii-143-144, Tafsiiru Muyassar-60, Tafsiiru Tahriir wa tanwiir-3/301

[2] Tafsiiru Xabarii-2/581

[3] Tafsiiru Xabarii-2/432

[4] Tafsiiru Ibn Kasiir-1/566, Tafsiiru Saâ€™TMdii-56, Tafsiiru Tahriir wa tanwiir-1/675

[5] Tafsiiru Muyassar-fuula 6

[al-Jaamiâ€™TMul Mufiid liduruusi taâ€™TMallumi tawhiidi](#)-fuula 33-38

Date Created

January 25, 2020

Author

admin